

Bosna i Hercegovina  
Federacija Bosne i Hercegovine  
Kanton Sarajevo  
**Fond Kantona Sarajevo za izgradnju stanova**  
za članove porodica šehida i poginulih boraca,  
ratne vojne invalide, demobilizirane borce  
i prognane osobe

## **UPRAVNI ODBOR**

Sarajevo, 29.10.2024. godine

Broj: ZA-08/24

### **Z A P I S N I K**

#### **8. sjednice Upravnog odbora Fond Kantona Sarajevo za izgradnju stanova**

Mjesto održavanja sjednice: Prostorije Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe (u nastavku: **Fond**), Sarajevo, ul. Hivzi Bjelevca br. 54., VII sprat, sala za sastanke

Vrijeme održavanja: 29.10.2024. godine u 16,30 sati.

Prisutni članovi Upravnog odbora:

1. Jasmin Bešović – predsjednik Upravnog odbora;
2. Bernadin Hadžiabdić – član Upravnog odbora;
3. Mirza Emirhafizović – član Upravnog odbora;
4. Mak Aganović – član Upravnog odbora i
5. Amela Petrinić – članica Upravnog odbora.

Pored prisutnih članova Upravnog odbora, sjednici su prisustvovali:

1. Elvedin Lagarija – direktor Fonda;

Zapisnik vodi Muris Gazdić – sekretar Upravnog odbora Fonda.

Sjednicom predsjedava i rukovodi Jasmin Bešović, Predsjednik Upravnog odbora Fonda, koji:

- otvara 8., sjednicu Upravnog odbora Fonda;
- konstatira da sjednici Upravnog odbora prisustvuju gore navedeni članovi Upravnog odbora i lica kojima je od strane Upravnog odbora dozvoljeno prisustvo sjednici Upravnog odbora;
- konstatira da Upravni odbor posjeduje kvorum članova Upravnog odbora za odlučivanje i
- predlaže Dnevni red kao u pozivu:

### **D N E V N I R E D**

1. Usvajanje zapisnika sa 7. sjednice Upravnog odbora Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe.
2. Izvještaj o aktivnostima u pogledu ulaska Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe u izgradnju zgrade u ulici Braće Mulić u dogovoru sa Kantonalnim stambenim fondom (usmeno prezentiranje) – izvjestilac direktor Fonda.
3. Finansijski plan s planom prihoda i rashoda za 2025. godinu i Program rada Fonda za 2025. godinu.
4. Odluka o izvršenju finansijskog plana prihoda i rashoda za 2025. godinu.
5. Tekuća pitanja.

Upravni odbor jednoglasno usvaja predloženi Dnevni red.

## TOK SJEDNICE

### **Tačka 1. Usvajanje zapisnika sa 7. sjednice Upravnog odbora Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe (u daljem testu: Zapisnik)**

Predsjednik Upravnog odbora Fonda otvara 1. tačku Dnevnog reda sjednice, te s obzirom da su materijali dostavljeni ranije kao i da su članovi Upravnog odbora upoznati sa sadržajem zapisnika, otvara raspravu po ovoj tački.

Kako članovi Upravnog odbora nemaju primjedbi na dostavljeni nacrt zapisnika, predsjednik Upravnog odbora isti daje na usvajanje.

Upravni odbor jednoglasno usvaja zapisnik sa utvrđenim korekcijama.

#### **ZAKLJUČAK:**

Usvaja se Zapisnik o radu sa 8., sjednice Upravnog odbora Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce od 25.9.2024. godine.

**Rezultat glasanja: jednoglasno.**

---

### **Tačka 2. Izvještaj o aktivnostima u pogledu ulaska Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe u izgradnju zgrade u ulici Braće Mulić u dogovoru sa Kantonalnim stambenim fondom (usmeno prezentiranje) – izvjestilac direktor Fonda.**

Predsjednik otvara 2. tačku Dnevnog reda i daje uvodne napomene, a potom daje riječ direktoru Fonda, koji izvještava i informira Upravni odbor o izvršenim aktivnostima u periodu između dvije sjednice Upravnog odbora, a potom detaljno izlaže problematiku i iznosi novoutvrđene činjenice. Potom Upravnom odboru predočava nacrt Sporazuma koji prema resornom ministarstvu dostavljen od strane Fonda kao jedino moguće i za Fond prihvatljivo rješenje predmetne problematike.

Nakon izlaganja direktora, predsjednik Upravnog odbora otvara raspravu po ovoj tački, a nakon kraće rasprave, s obzirom da nije bilo daljnjih prijava za pitanja ili raspravu, predsjednik Upravnog odbora zatvara raspravu i predlaže da se prezentirana informacija primi k znanju, bez potrebe posebnog donošenja zaključka.

Upravni odbor izneseni prijedlog prihvata jednoglasno.

**Rezultat glasanja: jednoglasno.**

---

### **Tačka 3. Finansijski plan s planom prihoda i rashoda za 2025. godinu i Program rada Fonda za 2025. godinu.**

Predsjednik Upravnog odbora otvara 3. tačku dnevnog reda sjednice, a potom daje riječ direktoru Fonda koji detaljno prezentira Upravnom odboru Finansijski plan s planom prihoda i rashoda za 2025. godinu, a potom i Program rada Fonda za 2025. godinu.

Nakon opsežnog izlaganja, predsjednik Upravnog odbora otvara raspravu po ovoj tački dnevnog reda, a za riječ se javlja Mak Aganović koji traži informaciju u pogledu primjene Zakona o vraćanju, dodjeli i prodaji stanova i Zakona o prodaji stanova na kojima postoji stanarsko pravo. Sekretar Upravnog odbora preuzima obavezu dostaviti traženu informaciju u pisanoj formi, pute e-maila.

Predsjednik postavlja pitanje da li ima još prijava za raspravu, pa kako nema prijava, daje na usvajanje Finansijski plan s planom prihoda i rashoda za 2025. godinu i Program rada Fonda za 2025. godinu.

**ZAKLJUČAK 1:**

Usvaja se Finansijski plan Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2025. godinu čiji je sastavni dio Plan prihoda i rashoda za 2025. godinu s Planom razvojnih programa – investicionim planom.

**Rezultat glasanja: jednoglasno.**

**ZAKLJUČAK 2:**

Usvaja se Program rada Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2025. godinu.

**Rezultat glasanja: jednoglasno.**

**Tačka 4. Odluka o izvršenju finansijskog plana prihoda i rashoda za 2025. godinu.**

Predsjednik Upravnog odbora otvara 4. tačku dnevnog reda sjednice i riječ ponovno daje direktoru Fonda, koji kratko izlaže predmetnu odluku, povezujući podatke i iznose iz iste da prethodno iznesenim Finansijskim planom i Programom rada.

Nakon završenog izlaganja predsjednik Upravnog odbora otvara raspravu, no kako nema prijava za istu, predlaže usvajanje Odluke o izvršenju finansijskog plana prihoda i rashoda za 2025. godinu.

**ZAKLJUČAK:**

Usvaja se Odluka o izvršenju Finansijskog plana prihoda i rashoda Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2025. godinu.

**Rezultat glasanja: jednoglasno.**

**Tačka 5. Tekuća pitanja**

U okviru tačke tekuća pitanja nije bilo prijavljenih tema za razmatranje.

Sjednica upravnog odbora je završena 29.10.2024. godine u 18,30 sati.

Zapisnik vodio:

Muris Gazdžić

